



05444

西莊始存稿卷四

古今詩 非別集

淞江水留別顧培穎錢曉徵二秀才

淞江水一灣活碧浮清泚數家雞犬繞孤村幾處  
魚蝦成小市顧生結屋江上樂地偏錢生於此襟  
被吟眺長周旋開門十頃薑蔗田芭籬竹樹皆便  
娟斜陽斷處明疎煙我來繩牀三日臥談元樂飲  
得自便我有兩妹事兩生豈伊異人我弟兄度阡  
越陌良快意明朝岐路難爲情薊門道遠堪惆悵  
眯眼黃塵作還往何不結鄰此地老江鄉青鞋布  
西莊始存稿 卷四 一

鞞同徜徉長安詎易居西笑不自量試看淞江潮  
兩迴別意與江誰短長

送王鳳喈孝廉入京二十二韻

嘉定 錢大昕 曉徵

緱嶺源流遠烏衣甲第聯經筵貽祖訓海岱誦  
遺編膝下依懷祖樓頭賦仲宣五車繙艱架十  
樣擘蠻箋吳苑追吟社隋隄泛酒船詩名何水  
部樂府柳屯田聲望高江表飛揚恰妙年搏風  
鵬翼便揆藻鳳毛騫底用琴同碎從看蝨自穿  
南金宜入選北闕正求賢令節銀燈閃長途征

旆懸梅舒纔吐萼衫薄乍裝綿柳外青絲騎花  
前白玉鞭勞勞頻歇罔去去更留連數載葭萼  
舊相於膠漆堅藏鈞朝共睹剪燭夜忘眠阮籍  
恒垂睽洪崖記拍肩牛心爲我割雌伏竟誰憐  
知已今分袂高歌且撫絃陽關聲第四燕市路  
三千努力茲行矣銷魂倍黯然短亭凝竚久別  
思滿前川

伍牧弔宋將尹玉戰死處

水市山橋帶夕陽鬼雄殘夜泣昏黃土花暈碧尋  
遺鏃識是當時舊戰場

西莊始存稿

卷四

二

渡江

形勝江山在青蒼吳楚連斷霞京口樹殘雨廣陵  
煙壯志風乘浪鄉心醉扣舷此來凡幾度彈指數  
流年

自戊午至今  
六次渡江矣

淮陰侯釣臺

蕭條泗水入淮處高臺傾後餘平楚爲憶昌亭寄  
食時王孫一飯意良苦已致千金報母恩弓藏鐘  
室劇悲辛興劉蹙項渾閑事只合終爲把釣人

渡河

九曲洪流暖漲開披襟問渡思悠哉漢家沉璧宣

房築元使窮源星海迴浩蕩天風浮仄岸喧逐地  
軸走轟雷大伾禹力千年在何事奔騰南向來

下邳懷古

荒郊憑弔意踟躕畫角孤城晚照餘卻笑秦坑燒  
未盡圯橋猶剩一編書

望嶧山同陸聽三作

龜鳧相接一峰竒曉色偏從煙靄宜漫說孤桐傳  
禹貢早看野火失秦碑雲開偃蹇抽蓮萼天遠連  
蜷隱黛眉跋馬斜陽重回首幾時策杖躡屣屨

兗州早發同沈松友作

西莊始存稿

卷四

三

渺渺昏鴉散高城豁遠眸南池看洗馬東郡罷登  
樓殘月千山曙寒煙一抹浮客心如汶水蕩漾逐  
春流

夢遊岱嶽歌

我志窮十嶽身佩真形圖汶陽道上縱遠目突兀  
岱頂青糝糊魯酒若琥珀絲繩提玉壺解鞍即醉  
倒偃臥胡姬壚天風飄飄浮絕磴導我忽轉松蘿  
徑蘿徑逼高寒蒼蒼十八盤漢策闕古字秦松瀉  
哀湍振衣便覺凌紫極倚劒直欲生飛翰穹崖濺  
瀑多殊狀決泝昔已在層霄上碧霞四氣拱星辰青

帝五雲開嶢嶂嶢嶂疊疊煙青青封中雲氣縷縷  
生安期一笑相逢迎如瓜之棗出啗我驂駕白鹿  
空中行天門誅蕩日觀巖從河流挂樹海色搖空  
蒼煙九點望不極合沓下見扶桑紅銀臺倒影火  
輪出驚回清夢仍相失風馬雲車乍有無丹梯翠  
壁看明滅應劭記李斯碑平生懷抱空好竒餐霞  
鍊藥不早就坐待蓬萊清淺始悔朱顏衰風塵回  
首驅征鐸惟聽霜鐘殷巖壑萬里終當汗漫遊十  
年肯負煙霞約

東平曉發

西莊始存稿

卷四

四

遠村荒雞號枕上失鄉夢披衣燈燄細屋角霜氣  
重僕夫提煖湯相喚解寒凍出門山四圍孤城補  
其空十里棗樹林朝曦散霧松居民賣雪梨羌兒  
傾馬漣喧喧趁墟人小市笑一闕堯祠已陳跡蒼  
鼠竄茅棟尚想五太守古調足吟諷渦泊連洄源  
野碧涵茭葑征途雖云勞佳處聊目送

曉發東阿山行作

曉星大如月照見衣上露須臾衆峰出行行莽回  
互梁山勢峭崿仄徑渺難度碎石大如斗縱橫亂  
無數歷鹿巖雙輪砰擊吁可怖驚飈捲地來撲面

不得語淦淦雲氣白荒荒日色暮人馬同時飢流  
汗劇窘步明發遵坦途搖鞭出山去

村夜

土銼無煙野店孤空林缺月挂模糊寒燈欹枕嚴  
更斷一夜霜風白草枯

河間旅店同錢孝廉林一賦

風鐸郎當易夕陽又看倦旅卸輕裝酒壚繫馬錢  
教數茅屋張燈鈎共藏野入天雄山鬻鬻雲連涿  
鹿樹蒼蒼祇憐雅樂今寥落誰指遺墟話故王

雄縣

西莊始存稿

卷四

五

控引燕南地勢尊水連瀛鄭暝煙昏瓦橋關險河  
流繞亞谷城荒戍馬屯朔氣吹沙迷客路冰澌塞  
岸減濤痕宋遼指點尋盟處鎖鑰當年重北門

小市

小市黃茅店孤村白板橋停驂成一宿客思最無  
聊易酒偏難醉燕歌漫獨謠故園梅蕊發歸夢入  
今宵

白溝河

一水中分南北流白溝此地即鴻溝時清戰壘今  
消歇黑子區區十六州

涿州道中

孤城莽蒼入斜陽  
平野黃雲古戰場  
燕薊河山雄督亢  
英雄事業想樓桑  
遠嵐疊翠圍如幄  
亂水穿沙沸似湯  
憑弔更添羈客思  
十年岐路足悲涼

董子祠

古木蒼煙董相祠  
偶來剔藓讀殘碑  
天人策對才無敵  
災異書成身更危  
誰酌清泉羞杞菊  
漫多塵網罨  
累恩最憐希世工  
談笑輸與平津牧豕兒

蘆溝橋

臥虹終古枕桑乾  
決泝渾河走急湍  
馬邑風煙通

西莊始存稿

卷四

六

一綫太行紫翠壓  
千盤喚人啞啞荒雞早  
照影蒼蒼曉色寒  
沙際閑鷗應笑我又聽鈴鐸送征鞍

聖人出

聖人出臨萬方以聖紹聖垂衣裳  
煌煌庭燎開建章  
嘈嘈仙籟陳笙簧  
璇扃晝靄排天閭  
玉瑱雕楹金飾璫  
五色焞爚齊光昭  
仁春溫抗義秋霜  
紫煙裊空艾蒨香  
六虬奕奕來常羊  
千騎萬騎紛成行  
禮神神降歆蘭觴  
東方青圭南方赤璋  
西方白琥北方元璜  
遂遣問民疾苦母  
出今年租賦闔澤汪  
濊咸悅康雲旗還佇翱翔  
十二龍偃蹇驤黃支

烏弋遙來王句臚冠劍鏗鏘援琴鳴絃奏薰風  
一彈再鼓儀鳳凰節節足足秋秋踰踰安歌雅舞  
諧宮商陛下萬壽垂無疆披圖案牒超虞唐

永光寺

萬壽前朝寺開山記辨公青松畫障失綠漲古潭  
空幽砌飛颺鼠踈花綴水蒨避喧時獨往便擬脫  
樊籠

過晉陽菴徐省若寓

微微仙梵出精藍樹影浮空割嫩嵐卓帽故人吟  
思苦一燈古佛正同龕

西莊始存稿

卷四

七

魯連村

玉貌城中客流風感至今射書憑一箭排難卻千  
金落日嘶征騎寒煙動遠林平生蹈海意祇益鬢  
毛侵

徂徠懷古

秀絕徂徠色遙憐洞壑幽竹溪傳六逸詩卷自千  
秋未得從高蹈空勞賦遠遊茫茫磔石谷臨眺迴  
含愁

任城李太白酒樓歌

任城酒樓高入雲游絲飛絮何紛紛竹溪六逸今

安往斷碣蒼苔蔽榛莽汶水東流去不迴徂徠秀  
色空森爽紅泥亭子赤闌干當年豪飲來盤桓沉  
香牡丹看不足騎鯨徑去埋青山我向東門遊登  
樓縱高宴魯酒白玉壺不用金龜換醉眠衣上斑  
斑紅幾點春風落花片我無謫仙百首詩興酣一  
斗頗似之鸕鷀之杯葡萄酒何當喚起同醉樓頭  
月

道上詠官柳

柔絲一路舞纖纖塞北江南綠未芟低覆濃陰停  
客騎亂飄殘絮撲征衫幾番朝雨烘晴翠到處春  
西莊始存稿

卷四

八

波送遠帆卻恐重來搖落盡天涯回首夕陽銜  
歸途漫成

轆轤旃車往復還半年塵土澣衣斑漫傳司馬宜  
乘駟自識梁鴻早出關學道應須歸慧業著書端  
合讓名山五湖煙水耕漁伴正好相逢一破顏

有贈

京雒緇塵徑拂衣荻簾土銚掩荆扉得官爭似卿  
偕隱新娶何如客乍歸茶覆閑徵清照事幃開橫  
解小郎圍茂陵四壁人消渴只借眉山與療饑

贈虞丈東臯集杜句

廣文到官舍吳門興杳然釣竿欲拂珊瑚樹鮭菜  
忘歸范蠡船吏隱適情性陶冶賴詩篇羣書萬卷  
常暗誦清詩句句盡堪傳近來海內爲長句紛紛  
輕薄何須數似君須向古人求世人那得知其故  
學書初學衛夫人書貴瘦硬方通神蛟龍盤拏肉  
屈強鷲鳥舉翮連層雲丹青不知老將至尤工遠  
勢古莫比挂君高堂之素壁雲白山青萬餘里天  
下幾人畫古松意匠慘淡經營中陰崖卻承霜雪  
幹中有雲氣隨飛龍多才依舊能潦倒但話宿昔  
傷懷抱王生早曾拜顏色相逢苦覺人情好悠悠  
西莊始存稿

卷四

九

滄海情旅客豈才名平生感意氣歛使寸心傾先  
生有道出羲皇焉得置之貢玉堂一官羈絆實藏  
身茂陵著書消渴長青山落日江湖白神仙中人  
不易得一爲歌行歌主客

西莊始存稿卷五

古今詩 藏山集

東洞庭山後舊有朱氏築畫樓教家姬歌  
舞見吳梅村詩今已屬他姓易名縹緲秋

日來遊率題二首

蓬島方壺空翠間金鋪石室鬪煙鬟不須更探靈  
威洞倚檻平吞萬疊山

嵐影湖光照綺疏飄零紅粉百年餘嬾居燕子人  
誰在剩有朱欄浸碧虛

歸自太湖東山舟中作

西莊始存稿

卷五

一

橘社辭幽徑查灣上野航綠楊低雨色白鳥破湖  
光楚客衣裳冷吳宮花草荒青山容易別回首笑  
人忙

渡黃浦

古渡春申鑿寒潮滬瀆趨樹黏天勢濶帆掠浪花  
麓近海魚龍怒先秋雁鷺徂十年鄉國淚辛苦滯

江湖

偶成

本作采芝客甘同刺草臣露車脚遁跡牛儉亦容  
身漫說貧非病從知嬾是真鄰翁荷耒至歡笑轉

須親

城南訪張擔伯

問訊城南路幽人在澗阿著書仰屋好頌酒閉關  
多寂寞茂陵臥蒼茫小海歌論文一傾倒風雨數  
來過

采菱曲

宋鮑照齊王融陶功曹均有采菱歌辭意舛陋  
梁武帝改西曲作江南弄七曲有采菱曲簡文  
帝及江淹徐勉陸罩江洪費昶繼作其辭亦未  
工也予息影五湖湖上人家大半種菱因用昶  
西莊始存稿

卷五

二

首句以發其端而增衍成篇不特以潤色古辭  
亦聊以操土風云爾

妾家五湖口采菱五湖側自言生小慣風波越女  
紅妝舊相識相識恰相逢蕩舟明鏡中木蘭爲櫂  
青絲紉桂浦椒潭極望通極望重重煙樹合菱花  
菱葉何稠疊淥浪開時蹇紫莖白蘋香處搖輕楫  
停楫憩江潭遙山斂夕嵐清歌來渚北雜弄和江  
南江南此際堪腸斷玉殿涼風歇絃管千金翠羽  
空相向一片春芳盡衰晚衰晚漫多愁相邀返渡  
頭羅衣已覺薄白露暗驚秋秋江日暮寒潮湧菱

舟女伴誰相送橫塘獨打兩槳歸惟見鱗鱗水雲動

飲馬長城窟

結髮從軍去沙場萬里行玉鞭何用指馬自識長城

嬌女詞

日高睡起遲阿母爲挽髻作女倚母憐作婦難倚婿

踏青詞

南陌踏青去妝成日未晡褰簾臨上轎嬌步索人西莊始存稿

卷五

三

扶

燒香詞

法鼓鳴金界靈旗裊蕙惟手拈香一炷跪拜學男兒

小長干曲

送歡小長干江帆疾於駛儂道是風波歡道是平地

上津曲

蘇州閶門外有上津橋下津橋

上津多估客下津多倡家喚取銀箏彈一曲楊柳

花

山遊述志

習靜歸巖阿身世永相棄眷言陶嘉辰棲尋信遐  
寄羨英綠野秀蘭芳紫莖媚綠源極演漾曠渚渺  
空翠水上風行徐山下出泉細屯雲正滿眼孤煙  
杳無際層崖隱天維登頓歷蒙翳出窈入冥間忽  
復造幽異峭蒨松磴陰滴瀝乳竇秘境往情已遷  
言忘理成契養真誰爲同齊物自無累傾暉不戀  
人晚晚映衣袂逝將遊太元逍遙辨深意

閑居偶詠

真樂在自得物疎性乃廓高齋坐閒寥畢景任淹

西莊始存稿

卷五

四

薄歸雲宿閑牖芳塵暗高閣偶披古人書欲繼斐  
然作煙蘿垂清陰籤帙映參錯探竒難強名味道  
更何忤餘瑕肆窺臨遊目睇巖壑寒泉瀉盤石華  
月麗曾嶧蘭英自翩翻桂枝漸蕭索逝者如斯夫  
撫化識冥漠白賁如可希肥遯庶堪托

贈翁朗夫

蹉跎詞壇舊有聲靈舒健筆自縱橫盧鴻十志耽  
肥遯陶峴三舟愜野情白雪高吟應少和青山穩  
臥爲逃名五湖此際堪乘興喜奉春風杖履輕

同沈歸愚先生汪自牧顧陶元沈蘭初吳

在揚郭曉升曹菽衣李健林吉乃振程自  
山張誠伯蔣遇純家學舒諸子集蔣子宣  
塔影園二首

悠然水石徑開三叢桂香中此盍簪一老風騷推  
鉅手羣公蘊藉足清談醉餘豪氣看長劔簾捲高  
秋落翠嵐珍重他年車笠約相逢賓主盡東南  
江關蕭瑟竟何如風雨招邀慰索居自昔酒人多  
意氣論交名士半樵漁洞庭落木清霜候吳苑疎  
砧白露初後夜河橋吟望遠含情好爲問雙魚

泛太湖泊東山麓

西莊始存稿

卷五

五

擊汰中流去空濛指洞庭曉鋪千匹練冷浸一天  
星水氣侵衣濕嵐光倒影青莫釐欣在眼棹棹入  
巖扃

題學成上人山房

黃雪高枝綻金庭古洞幽山空疑欲雨人瘦不禁  
秋嗜酒陶元亮能詩湯惠休長歌自來往七十二  
峰頭

登縹緲峰望太湖

吳山多平衍此地偏嶄崑天公妙手斡地肺結作  
洞壑連空嵌晴峰四面七十二青天亂削芙蓉巖

未若縹緲尤冠絕兒孫羅立誰能參我生本無適  
俗韻溪雲林靄性所耽竭來况逢春霽色支筇挈  
伴尋煙嵐艇子呼短棹茶具攜都籃行行腰腳雖  
已憊欲窮遠目心翻貪振衣千仞逸興發極望寒  
鏡開塵函重重出浦樹渺渺來風帆琉璃作堆濕  
銀破雲濤倒黏天蔚藍空濛幾點螺子髻斜插玉  
女青瑤簪有山如此良不惡自昔冷客齊來探或  
結蓮花社或居燕子龕何當一日婚嫁畢香茅老  
屋峰腰添拏舟便剥菱角紫入饌細嚼蓴絲甘一  
寸二寸花開莒蒲節千个萬个竹放檀欒尖龍威  
西莊始存稿

卷五

六

古洞况有書可讀珠墳笙典一一同研覃回首碌  
碌塵容黔世味雖好不復諳卻憐興盡惆悵去買  
山至竟成虛談

題沈冠雲登岱圖

岱嶽峻嶒最上頭羨君振策倚高秋中峰長嘯星  
辰近大海回瞻天地浮紫翠千重迷漢碣蒼茫九  
點隘齊州茂陵歸臥頽然老一簡金泥迴自愁

即目

煙裏櫂歌聲沙禽靜不驚斜陽雨外斷空碧數峰

明

范上舍塞北省親圖

一人紫綺青羔裘，雕鞍側坐玉躡導。以僂從連  
輕輶，一人袴褶捲臂鞞，蓬頭突鬢佩吳鉤。停驂左  
顧欲進仍遲留，主人戴笠披赤罽，意氣凌厲凝雙  
眸。問誰粉墨開金碧，咫尺煙嵐浮几席。軍中一范  
方專城，公子思親事于役。何甥謝舅亦肯從，徑自  
江南趨塞北。初出居庸關，黃羊白草蒼厓間。再度  
彈琴峽，霜林岔道風蕭颯。土木宣府都經過，柳屯  
枳嶺征塵多。回瞻來處莽無際，漸覺所歷高嵯峨。  
羊腸一綫穿雲去，亂石驚湍灑寒雨。疊嶂摩天落  
西莊始存稿

卷五

七

日低崩榛匝地荒，煙暮鳴鞭遙見飛狐口。代郡孤  
城隱雲樹，烽樓危旌凍欲折。指點先朝備邊處，六  
郡防秋有戰場。三關設險空殘戍，解裝一笑循南  
陔。綵衣舞罷欣徘徊，遠慰頻年望雲志。壯遊還上  
李陵臺，郊原泱泱平沙走。堠火關榆回首龍堆  
定有控弦兒，雁磧應思射雕手。嗚呼男兒出門萬  
里輕樂事，况復當趨庭功名會。見繼老子自有胸  
中十萬兵

題徐昭法畫

畫樹樹多不了枝，畫石石亦不著色。淡染寒江十

里秋落葉歸雲渺何極先生高節超塵寰胸中粉  
本無荆關展卷舊遊差彷彿扁舟煙月道場山

題姜學在江山初霽圖二首

咫尺煙濤泱泱浮村霏汀樹入新秋歸帆曾記江  
干落倚遍金焦寺寺樓

滄海桑田望渺漫西臺如意所翁蘭憑將一掬遺  
民淚留向雲山畫裏看

八月十五日夜兩宿毘陵僧舍

哀柝聲聲斷吠厖客中野寺冷殘缸無端一夜中

秋雨偏趁西風到破牕

西莊始存稿

卷五

八

還家述感

時長妹貞  
媿病卒

棲遲長貨奮慟哭更迴車骨肉死生裏田園蕪廢  
餘草生仲蔚宅塵滿子雲居寂寞誰相問虞卿且  
著書

病中作

窮秋搖落渺愁余伏枕經旬滯索居短褐風霜欺  
病骨空齋藥裏伴殘書影孤亂葉寒蟲裏夢斷昏  
燈落月初欲學龐公盡室去茂陵消渴竟何如

鄧尉看梅二首

空翠滿林巒扁舟索笑看香魂疑有夢瘦影不知

寒竹外橫斜照煙中傍素湍莫教羌笛怨吹徹數  
枝殘

谷口通樵徑層巖躡屐來東風能澹蕩野興獨徘徊  
地喜青山繞花憐白雪開長吟霜月上臨去首  
重迴

同作二首

嘉定 曹仁虎來殷

谷口探芳去溟濛雨後天寒煙雙崦樹暮色五  
湖船素影侵樵徑幽香帶石泉籃輿更回首杳  
杳數峰連

鄧侯樓隱地碧嶂自煙霞古寺留春信空山識

西莊始存稿

卷五

九

歲華夕陽千樹暝殘雪一枝斜何處歌聲起行  
行問酒家

三十三峰草堂圖歌爲暨陽翁朗夫徵士

賦

暨陽城邊勝概兼連峰疊嶽三十三先生草堂出  
山頂森森衆壑浮蒼嵐杉風松日各清美飛泉決  
泐石齒齒亂葉酣霜鬪霞綺雲根有徑細不分幽  
探忽落芒屨底茯苓采罷不復還自騎白鹿青崖  
間春申冷魄何足喚惟有長江浩浩坐見萬里之  
波瀾山中桂樹成叢日篋裏新書著初畢蒲輪忽

漫來巖扃六聘三詔猶難出

聖人宣室方求賢未許先生臥蓬蓽棹頭仍復來  
江潯攀林躡閣窮追尋臯橋綠水春正深相逢意  
氣相剪拂愛才宛見先生心酒酣示我草堂圖但  
覺霏藍翕黛一片雲氣吹陰陰爲言五嶽有前約  
肯拋猿鶴負向禽吁嗟我生墮塵網遙憐福地多  
蕭爽儻許茅齋割一峰徑欲相從作長往

顧祿百過不值

一徑風雨夕殘紅屐齒香虛煩故人駕出飲久空  
牀

西莊始存稿

卷五

十

贈楊文叔太史

談經伉伉斗杓迴湖海耆英解愛才獻賦早簪東  
觀筆辭榮重剪壯山萊通門孔李懷先澤往事龍  
蛇話劫灰

先伯祖偉長先生與太史祖維斗先生同鄉薦

擬學侯芭勤載

酒高文一一校讐來

贈許子遜二首

大雅扶輪手清時通德門懶多吟屐健隱去告身  
存自顧羈棲慣欣逢笑語溫從茲頻載酒風雨得  
同論

正始今將絕平生亦足豪賞音惟沈范作意有風

騷清廟朱絃貴陽春白雪高試看獨到處肯與俗人操

落景

落景柴門內閑來眺望賒村煙炊折葦溪鳥啄殘  
花植援宜編枳疏泉好種瓜何須歎岑寂美酒是  
生涯

五畝

五畝未全荒周遮薜荔牆更無軒騎到時覺芰荷  
香妻訝吟成癖人憎醒亦狂祇愁青鬢改歲月去  
堂堂

西莊始存稿

卷五

十

西莊即事二首

一曲婁江水延緣岸岸通扁舟纔繫纜宿麥正翻  
風樹色孤村外人家暮靄中老農如舊識春社幸  
能同

杜老東屯宅陶公下溼田不須論出處聊喜得幽  
偏發興捨書賣移家帶鶴遷躬耕真有願臥穩向  
江天

訓韓處士其武

少文耽臥遊圖畫皆名山仲若開林澗結構同自  
然夫君敦雅尚隱淪洽所安蓬蒿滿三徑還得靜

者便翰墨時間作毫素中誠宣清機吐元理沖襟  
挹高言投分托苔岑相與樂盤桓曲宴洗尊尊列  
坐羅長筵顧慚薄劣姿謬倚盤石堅傾心枉光塵  
贈以清風篇清風永披拂出入懷袖間願言結綢  
繆莫報金琅玕何當采靈藥共期青雲端

秋蘭二首

衆卉飄零後芳叢擅素秋漫言風露冷不礙色香  
幽小院數莖澹閑階片影留擷來堪作佩楚客起  
離愁

冉冉涼飈動離離曉霧團國香寧畏晚空谷不知  
西莊始存稿

卷五

七

寒杜若芳洲落蘼蕪曲徑殘涉江遲暮意珍重後  
時看

金閨旅舍秋夜不寐

布衾如鐵一燈青拉瑟西風吹滿庭砌冷草根蛩  
寂寂池荒荷葉雨冥冥更長夢短應難續酒少愁  
多卻易醒搔首思量十年事羈孤踪跡自浮萍

憶內

謝家辛苦嫁黔婁數載心期矢白頭伴讀寒閨看  
理繡鬪茶小舫話悲秋艱難兒女催君老萍梗飄  
零共我愁早晚青山歸去好挽車舉白願應酬

登靈巖

躡屐層崖迥自哀，館娃遺跡俯崔嵬。  
梧宮秋老悲青嶂，香徑春空長碧苔。  
石磴盤迴飛鳥上，湖光隱現亂峰來。  
千年歌舞歸禪窟，目斷荒煙落葉堆。

琴臺

偶坐盤石上，因彈五絃琴。  
山空琴聲歇，纖月升疎林。

響牖廊

空巖引修廊，苔痕雨初長。  
浙浙吹松風，時作環珮響。

響

西莊始存稿

卷五

三

吳王井

一泓貯孤岑，雙桐鑑空影。  
千古傳吳王，何如景陽井。

涵空閣

危闌倚天際，列岫當牕中。  
夜來霜林靜，仙梵流寒空。

舟中眺湖上諸山

秋氣動林巒，虛舟信迴轉。  
帆隨樵風移，心逐空水遠。  
沙禽相叫嘯，渚蘋冒清淺。  
連峰非一狀，合沓迷幽顯。  
孤雲宿深隄，寒鐘遞遙巘。  
夕陽霞際明，微徑

煙中辨津逮有宿期入林願未展地偏宜嘉遯道  
亨無往蹇竊慕仁者樂獨異衆人撰明發循山阿  
茲言庶能踐

舟次呈歸愚先生

謝公屐齒坐相邀陶令藍輿興自超細雨帆開光  
福市夕陽人語虎山橋金庭玉柱前期在翠閣丹  
梯入望遙聞說探竒更東去雲中徑度赤城標

時先

生將遊天台

東嶽西嶽

溪行忽無路回首暮煙合過橋湖水寬隔岸亂雲

西莊始存稿

卷五

十四

接圍繞玉鏡潭寒影衆峰集空色不可攬彩翠似  
堪拾東西嶽幾重蕩漾舟一葉迢迢擅勝亭隱隱  
光福塔何處聞菱歌清唱自相答

入鄧尉山暮宿聖恩寺

蒼煙滿秋山落日生暮靄弭棹歷嶠欽理策尋靈  
靄溪橋風泠泠寒流激空籟捫蘿長林迷跼步崖  
石礙微月墮幽澗俯見清光碎寺開知徑盡客至  
自雲外空堂響法鼓羣動息香界慮澹不用遣深  
夜無夢寐欲謝區中綠攝生遠塵壒

還元閣月夜望震澤

依山復面湖閣勢得全勝高倚獅子窟遠挹鬩斗  
柄羣壑斂暝色入夜猿鳥靜華月海底出清光蕩  
靈境三州此交匯萬頃互涵映漁洋煙鬢明法華  
螺髻靚參差飄素練遠近點明鏡極視窮虛無一  
氣自迴亘何當刺船去滄浪發高詠

際曉登元墓最高頂

日出谷鳥吟策杖前山去煙際尋鐘聲迢迢翠微  
露懸崖極躋攀吳越歸指顧千仞振衣危二分垂  
外懼昔賢此遺蛻嘉名兆元墓浮嵐忽明滅靈區  
遠迷誤秋色來何峰蒼蒼滿雲樹烏下洞庭波衣  
西莊始存稿

卷五

五

邊林屋雨未逢青泥飯聊詠白石句平生正壑心  
纓紱徒塵慮

題壁

長松萬壑捲天風一路寒流古木中卻上毘盧高  
閣望雲濤煙雨蕩空濛

鄧尉山下別僧

孤雲夕鳥歸薄雪寒林凍回首雨花橋山僧此相  
送

漫興

一碧清溪曲繞廬依然小隱賦閑居菱絲風裏看

收稻柿葉林中坐展書萊氏逸妻能負畚左家嬌  
女慣牽裾君平未必人皆棄自愛煙波學釣魚

西莊始存稿卷五

西莊始存稿

卷五

六

西莊始存稿卷六

古今詩 涉江集

十二月二十六日辭家

歲暮遊子歸我反離庭闈上堂別二親肅拜還整  
衣弱妻抱穉女相送臨門扉無語語先咽有淚淚  
暗揮欲行心自傷欲留腹苦饑瘦馬怯上坂倦鳥  
慵孤飛寒天催短景日淡無晶輝出門屢回顧漸  
覺樹影微丈夫不得志去住與願違萬族各有托  
我今將何依

除夕泊澣墅

西莊始存稿

卷六

一

三十明朝是羈懷觸緒增雪中孤客路蓬底隔年  
燈攬鬢愁無那當杯淚不勝辛盤兒女會爲話旅  
人曾

渡江

漂零獻歲更南征擊楫初過第一程吳楚風煙愁  
遠夢江湖浩蕩寄勞生中流翠滴三山色東去波  
沉六代聲歷歷川途渺何極沙邊慚愧白鷗輕

舟中立春

登盤細菜簇青絲坐對芳樽感歲時波浪天邊隨  
客遠風光帆底見春遲吳山的的如相送楚塞迢

迢祇自悲回憶江村梅柳放鶯花取次動離思  
贈戴綸長時同舟入楚

松竹風姿鶴性情相逢歲晚共長征寒江泊處同  
轟飲雪夜談時對短檠拋卻告身漁具在編來小  
集格詩成剡源他日論耆舊郭北溪南合主盟

和李受之秀才韻

客行向楚澤遙夜動吳吟共有涉江感因知怨別  
深望雲當落日聽鳥辨春林明發啼猿滿煙濤空  
我心

旅感

西莊始存稿

卷六

二

十年飄轉倦登樓重理征衣寄薄遊殘歲辭家隨  
斷雁大江積雪上孤舟夢中涕淚違親舍天際雲  
山引客愁到日晴川添悵望萋萋芳草滿汀洲

天門

白浪天門斷千崖杳莫攀登艫一長嘯遙見謝公  
山我欲浮湘去行吟楚澤間今宵對明月把酒慰  
離顏

牛渚

牛渚西江下青天挂席來依然明月夜不見謫仙  
才清露霑衣久驚烏繞樹迴思鄉更懷古悵望迴

堪哀

然犀亭

空亭蕭颯荻花秋  
躡屐登臨豁遠眸  
日落倒窺巖洞黑  
崖傾猶見鬼神愁  
然犀赤憤驚牛渚  
灑泣黃旗向石頭  
爲問過江誰第一  
漫將人物數名流

縱陽懷古

縱陽何處射蛟臺  
漢帝樓船此地來  
望祀還臨天柱遠  
浮江直向盛唐迴  
珠簾甲帳神君至  
首蓓蒲桃別館裁  
今日茂陵空寂寞  
秋風搖落不勝哀

過馬當

西莊始存稿

卷六

三

牛渚西來峭壁張  
驚心如馬戒舟航  
風顛雨急衝波沸  
鼉作鯨吞巨石妨  
自昔神靈傳躍鯉  
幾人行止憶垂堂  
何須灩澦孤根沒  
一水牽愁萬里長

望江縣道中作

西指柴桑波路賒  
汀洲葭蕩浩無涯  
雲濤忽迷大雷岸  
客夢遠繞長風沙  
節物牽愁驚歲序  
關河入望少煙花  
檣烏渚燕空情思倚  
棹微吟倍憶家

江行雜詩六首

三山隱見蔽高岑  
采石橫江天慙陰  
正是客心淒斷處  
誰家長笛起龍吟

雁渚楓林趣放舟吳津博望鎖洪流行人指點紅霞外謝朓青山李白樓

雲際蛾眉疊翠屏楚江浩渺浪花青亂山兩岸天門斷葉葉風帆破杳冥

蟪磯西去返秦磯荻港纔過又赭圻齊聽榜人竹枝曲沙明水碧雨霏霏

潮至尋陽更不迴馬當峭壁倚天開遙看十丈浪頭白愁殺南船上水來

楊葉洲邊雨似煙梅根冷外浪連天那堪愁水愁風夜秋浦猿聲到客船

西莊始存稿

卷六

四

小孤山下作

解纜溯層波夕宿逗沙岸亭亭見孤峰獨秀中流半陽崖倚巉巖陰岫屢回換半嶺微徑分參差更堪翫離離青松陰歷歷白石粲樓臺相蔽虧金碧窮照爛氛氲嵐彩明杳靄霞氣亂髣髴神靈雨東風一飄散湘妃出鼓舞漢女時游衍光景未易逢解珮徒深願悵然遲暮心重起越鄉歎

過彭蠡湖口

理棹始陽和結荷宿波路三江歷漭決五洲緬洄溯陽鳥得攸居我行不遑處睠茲彭湖口東匯衆

流注披襟欣昭曠  
晞髮感遲暮  
春華曖澤蘭  
夕霏翳汀樹  
噉噉哀猿鳴  
歷歷翔鷗聚  
石鏡壘垠堦  
香爐對煙霧  
目接心成賞  
情遷境非故  
亮乏子春興  
頗抱呂梁懼  
矧復緇鬢改  
徒傷曜靈驚  
廬霍有夙期  
繕性從所務

雨過彭澤

遠火楓林岸  
滄江暮雨時  
煙昏帆影滅  
雲合鳥飛遲  
粟里存高躅  
柴桑起夢思  
秫田如可種  
我欲問茅茨

九江舟中

西莊始存稿

卷六

五

渺渺潯陽煙  
樹齊蕭蕭湓  
口雁行低  
長江九派東  
流去何事  
孤舟獨向西

湓城

湓城江岸對斜曛  
煙樹縈紆入楚雲  
歷歷帆檣迷極浦  
蕭蕭鴻雁感離羣  
天邊積水岨岨下  
鏡裏芳洲烏白分  
秀色芙蓉如可攬  
便思汗漫問匡君

九江舟中望廬山

昔有釣龍子  
遁跡匡廬巔  
手攀桂樹飲瓊液  
層城揮錫時  
騰騫茲山乃是列仙館  
穹崖上與丹霄連  
石門遙引虎谿谿  
勝圓闕秀裊香爐煙  
我欲南遊訪

衡霍泊舟遠向潯陽郭坐聽東林日暮鐘金光燦  
色空中落屏風九疊嵐翠濃宮亭倒影青芙蓉東  
南削出五老峰霞梯路斷莓苔封飛梁裊裊垂綵  
虹驚湍直下萬仞壁雪瀑亂灑千年松爲報廬山  
君便作廬山客長嘯入巖扃援琴坐盤石一臥康  
王谷口雲好修淨業謝人羣茹芝採菊我生事世  
上浮名安足論

即目

霽曉江光雪練鋪氛氲紫氣對香爐灌嬰古井潮  
痕動直到分流左蠡湖

西莊始存稿

卷六

六

琵琶亭

黃蘆苦竹夕陽斜獨傍荒亭繫短槎遠客青衫先  
自濕不須商婦訴琵琶

行次齊安暫寓江濱小閣

作客猶無定登樓信可悲飄飄逢雨雪草草得棲  
遲詞賦遊梁賤衣冠適越疑思鄉雙淚眼日暮倚  
闌時

鄂渚寄家人

楚樹吳雲別路遙樊山夏口送征橈淚痕欲向東  
流寄分付潯陽上下潮

寓舍春日雜題六首

江館蕭寥鶯語頻天涯草樹一番新辭家回首纔  
三月眼底驚非故國春

六枳編成池上籬小桃勻注淡臙脂朝來幾點催  
花雨愁到春寒病酒時

迢迢繡陌趁初晴新燕參差宿蝶輕鬪草踏青兒  
女路風光容易到清明

鏡裏芳洲杜若香楚山杳靄楚天長衡陽回雁無  
消息漫寫家書細作行

輕塵短夢試重論檢點春衫浣酒痕不用登樓頻  
西莊始存稿

卷六

七

望遠武昌楊柳最銷魂

嫩雨柔絲逼禁煙東風花外冷啼鶉逢春莫怪添  
惆悵潘鬢今年異去年

憶兒女

苦憶嬌兒女纔逾學語年畫眉明鏡曉騎竹草堂  
顛離別愁渠小聰明得母憐攜家何日遂舊隱鹿  
門邊

懷鄉

客舍千山隔江鄉八口貧麻屨長道路橡實度艱  
辛去雁書難達東風草又新何人共饑渴顧影獨

霑巾

旅興三首

一葉長風溯上游，落帆黃鶴獨登樓。  
千絲柳色迷江介，八字山形繞鄂州。  
漫擬依劉餘涕淚，空憐屈感離憂懷。  
中名刺今磨滅，漂泊重來鸚鵡洲。  
迢迢郢路古今情，夏首西浮更遠征。  
三戶遺墟春草碧，六朝舊事暮江平。  
米船誰遣迎溫嶠，羽扇還須藉顧榮。  
幾許興亡猶在眼，漢南雲樹喚愁生。  
大別山前落照頻，南樓清景漫重論。  
蘆中問渡真窮士，漢上題襟少故人。  
渺渺晴雲千里路，匆匆歸西莊始存稿

卷六

八

雁一年春秦川公子哀，無限偶到登臨便愴神。

春感

江南歸計尚遲遲，三楚煙花恨別離。  
少婦登樓撫瑤瑟，西洲芳草斷腸時。

寄錢曉徵曹來殷家琴德諸子二首

經年未得故人書，望斷江流西上魚。  
黃鶴樓頭春色滿，煙波天際渺愁余。  
銅坑銅井菴東西，此日梅花萬樹迷。  
料得清吟香雪裏，扁舟同繫虎山溪。

寄家鳳喈三首

青浦王昶琴德

分攜當歲暮，雨雪滿關津。忽見東風轉，江梅又  
早春。音書愁遠道，樽酒憶蕭晨。何日謀棲隱，羊  
求結比鄰。

天際碧雲合，瀟湘春雁飛。知君官閣裏，終日對  
清暉。漢上詩篇好，襄陽耆舊稀。東風芳杜若，悵  
望挂帆歸。

君家練水上，雲木迴清虛。我亦居三泖，煙波足  
釣魚。耦耕知未得，作客竟何如。瞻念瑤華至，臨  
風一起予。

武昌客舍醉歌

西莊始存稿

卷六

九

挂席乘風來，夏口千里江山落。我手登盤且食武  
昌魚，開簾况對宜城酒。酒闌拔劍悲茫茫，憑高落  
日懷故鄉。南樓明月自清夜，西門楊柳堪斷腸。憶  
昔仙人駕黃鶴，白雲一去翔寥廓。楚王臺榭亦已  
蕪，晴川芳樹還如昨。世間萬事何有哉，不飲空復  
令心哀。春風吹花落，如霰狂歌醉舞傾。金壘只今  
生事仍羈旅，漢水東流我西去。鳳凰山北多浮嵐，  
鸚鵡洲邊逢暮雨。遙望荆雲蔽遠岑，煙波江上獨  
愁心。試將岐路楊朱淚，寫入天涯莊舄吟。

沙岸明夕陽楚江歇微雨時聞遠寺鐘不辨煙村  
樹白鷺背人飛銜魚自來去

漢口

錦石清江望渺瀰開襟蘋末動涼颼千家樓影煙  
中見半嶺嵐光鏡裏移漢女弄珠無限意湘靈鼓  
瑟至今悲誰憐繡被熏香夜青翰舟中空所思

辛未五月二十一日三十初度在漢陽作

是年閏五月

彈指韶華逐逝風匆匆及壯尚飄蓬生涯已付竿  
三尺舊宅閑拋地百弓卻怪黃楊逢閏歲祇疑磨  
西莊始存稿

卷六

十

蝸住身宮人間榮利非吾事只合垂名野錄中

泊船曲

巨纜如鐵索長篙如竹林狂風空作劇船未到波  
心

秋風引

秋風一何怒吹折江頭樹寒衣猶未成風莫向郎  
處

自君之出矣二首

自君之出矣流塵暗玉階微風羅幕動髣髴見君

開

自君之出矣晚妝添翠鈿恐君夢中遇索我舊時  
妍

秋感二首

江近涼風早樓高野色閑秋聲先在樹雲氣不歸  
山雄劍封塵匣新霜點鬢斑蕭晨感淒緊獨坐憶  
鄉關

節改齊紈扇寒催楚戶砧散花晴峽遠卻月故城  
深墜葉滿空砌亂蛩多苦音高臺添客淚落日廢  
登臨

舟中偶作

西莊始存稿

卷六

七

吳飲嫋嫋竹枝聲楚火迢迢兩岸明衣上曉露溼  
口雨船頭秋繞漢陽城雁鴻嘹唳涼初透楓相丹  
黃露乍盈顚顛關河爲客久西風搔首不勝情

過蘄州

暮雨過蘄州蕭蕭笛竹秋雲中下漁艇煙外隱江  
樓清景添惆悵孤帆昧去留寒波與衰草萬里信  
悠悠

遊赤壁

黃泥坂下樹冥濛石色楓林相映紅倚郭亭臺齊  
入畫臨江巒岫若浮空洞簫何處催斜照孤鶴無

心掠短篷千載扁舟風月笛清遊誰復繼仙翁

九日漢陽旅次懷吳尊彝在薊門

碧雲吟斷送斜暉幾載相思兩地違江漢孤舟歸  
未得荆高舊侶信偏稀蕭蕭節序黃花老歷歷關  
河白雁飛強欲登臺舒望眼天涯霜露濕秋衣

襄陽曲三首

可憐大隄女花艷不知名嬌歌伴估客能按玉柱  
箏

可憐襄陽兒三五高陽池銅鞮歌未足還有播諾

詞

西莊始存稿

卷六

十一

送歡桃林岸別歡魚梁洲悠悠江水深是儂雙淚  
流

曾船聯句

漁具譜松陵

錢唐戴廷  
綸長

瑣細難盡悉排曾截衆流

吳縣吳  
紳在揚

坐獲利饒溢云何方俗殊

仁和李汪  
度受之

巧便

創新術往來惟以船盛鳴提挈利用粹構架藏機牙

廷張捕投洑涌頂懸翠竹環

紳底結銀絲密平支

二弓交

廷

高擎一面出目細難逃虛

盛鳴

鱗觸知隙

室倔強騰有神

廷撥刺勢已失慘滄置勿庸

紳筇

簪滿可必喧喧陋榔鳴廷戢戢論斗率得穴何待

丙盛作羹定去乙下酒給于鮮燒泥飲笑乃啞我  
儕倦風塵聊秋思轉蕭瑟設繪慳姜侯度挺又詠  
韓律會須學漁蠻盛煙波泛家室燒

假玉杯聯句

世抱荆璞泣燒燕石久相假耀目競璨瓘聊充貨

到杯筍晶潤匹截肪度圓肉類合瓦頗費雕琢工

盛亦受醪醠瀉大小戶分曹燒雪月賦共把行當

埒賓筵聊匪直炫里社居然貌温其度莞爾笑識

者真棄贖乃收盛昏多玉斯寡裹以重錦緜燒盛

之文梓櫝混淆目比珠聊髻髯鹿指馬物情但好

西莊始存稿

卷六

三

似度論品肯居下一粲攜歸裝盛從衆吾其且燒

紅葉聯句

秋帆凌漢川清淺水失洛聊酸醎翻寒楓亭亭似

麾幢盛枝看改舊綠葉乃露新絳聊爛熳奪春葩

殷鮮照深巷盛攢叢接飛霞浮彩映落虹聊硃砂

散塗抹珊瑚碎擊撞盛飄來波亦明染出霜乍降

聊逝將返故林歲晚守迂蠢盛

打稻聯句

場圃因時築霜天刈獲皆燒耒牀分戶設墉櫛逐

村排聊耦立重重舉齊聲恻恻諧度呼羣喜鶯鳴

策力競兒娃鳴白汗沾衣結花兜裏髻釵廷頭揚

頻見掉手運遞爲義已脫將臨確全除肯棄藍

度紛紛餘粒墮撲撲積薪挨鳴地燥乘晴日芒枯

捲疾颿廷量時珠顆滿堆處寶光佳翀人有遺銖

利家供納秸葦度自膺田峻喜不慮里胥差鳴飯

熟香盈甕籩成釀似淮廷服牛牽碌礪迎虎踏芒

鞋翀驅臘行將及汙邪祝自偕度江鄉景可繪客

眼看還措盛學稼情真愜爲農願未乖廷但安耕

鑿穩何惜姓名埋翀風物詩人紀田園客子懷度

石湖遺句好相約返荆柴盛

西莊始存稿 卷六 古

分詠得市燈

未罷江村市微茫遠火生過橋人影亂入夜酒帘

明岸角籠煙出樓頭帶月清漸聞街柝響舟泊欲

三更

得村燈 吳 翀

黃葉村邊過熒熒入望中籬疎明遠近犬吠辨

西東影帶風林動光侵月渚空從知農事畢夜

語一篝紅

得桅燈 戴廷燻

一岸停官舫高懸照水燈帆檣風色迴旌旆夜

光增月映搖還定星聯降復升  
低篷擁被客滅燭思曹騰

得漁燈

李汪度

夜火掀篷見蒼茫楚澤過風生  
光不定月墮影偏多忽聚黃蘆岸  
遙明白板波低徊故鄉憶湖上聽漁歌

述感

渚清沙白偶登臺城闕秋生夕照  
催醉裏高歌雙鬢在愁邊畫角  
數聲來側身天地長爲客抱病風塵孰愛才  
卻憶故園三徑好扁舟須趁早春迴

西莊始存稿

卷六

五



